

আবোল তাবোল (Abol Tabol)

সুকুমার রায় (Sukumar Ray)

বিশ্বের অন্যতম শ্রেষ্ঠ "ননসেন্স ছড়া" সংকলন।





Open Knowledge Foundation Network, India : Open Education Project

Help spreading the light of education. Use and share our books. It is FREE. Educate a child. Educate the economically challenged.

Share



Share and spread the word! Show your support for the cause of Openness of Knowledge.

facebook: <https://www.facebook.com/OKFN.India>

twitter: <https://twitter.com/OKFNIndia>

Website: <http://in.okfn.org/>

আবোল তাবোল

আয়রে ভোলা খেয়াল খোলা
স্বপনদোলা নাচিয়ে আয়,
আয়রে পাগল আবোল তাবোল
মত্ত মাদল বাজিয়ে আয় ।
আয় যেখানে ক্ষ্যাপার গানে
নাইকো মানে নাইকো সুর,
আয়রে যেথায় উধাও হাওয়ায়
মন ভেসে যায় কোন্ সুদূর
।
আয় ক্ষ্যাপা—মন ঘুচিয়ে বাঁধন
জাগিয়ে নাচন তাধিন্ ধিন্,
আয় বেয়াড়া সৃষ্টিছাড়া
নিয়মহারা হিসাব—হীন ।
আজগুবি চাল বেঠিক বেতাল
মাতবি মাতাল রঞ্জেতে,
আয়রে তবে ভুলের ভবে

খিচ্ছড়ি

হাঁস ছিল, সজারুও, (ব্যাকরণ মানি না),
হয়ে গেল 'হাঁসজারু' কেমনে তা জানি না ।
বক কহে কচ্ছপে—"বাহবা কি ফুর্তি !
অতি খাসা আমাদের 'বকচ্ছপ মূর্তি' ।"
টিয়ামুখো গিরগিটি মনে ভারি শঙ্কা—
পোকা ছেড়ে শেষে কিগো খাবে কাঁচা লঙ্কা?

ছাগলের পেটে ছিল না জানি কি ফন্দি,
 চাপিল বিছার ঘাড়ে, ধড়ে মুড়ো সন্ধি!
 জিরাফের সাথ নাই মাঠে—ঘাটে ঘুরিতে,
 ফড়িঙের চং ধরি সেও চায় উড়িতে।
 গরু বলে, "আমারেও ধরিল কি ও রোগে ?
 মোর পিছে লাগে কেন হতভাগা মোরগে ?"
 'হাতিমি'র দশা দেখ—তিমি ভাবে জলে যাই
 হাতি বলে, "এই বেলা জঙ্গলে চল ভাই।"
 সিংহের শিং নাই এই বড় কষ্ট—
 হরিণের সাথে মিলে শিং হল পষ্ট।

কাঠ বুড়ো

হাঁড়ি নিয়ে দাড়িমুখো কে—যেন কে বৃদ্ধ
 রোদে বসে চেটে খায় ভিজে কাঠ সিদ্ধ।
 মাথা নেড়ে গান করে গুন্ গুন্ সঙ্গীত
 ভার দেখে মনে হয় না—জানি কি পণ্ডিত !
 বিড়ু বিড়ু কি যে বকে নাই তার অর্থ—
 "আকাশেতে ঝুল ঝোলে, কাঠে তাই গর্ত।"
 টেকো মাথা তেতে ওঠে গায়ে ছোট ঘর্ম,
 রেগে বলে, "কেবা বোঝে এ সবে মর্ম?
 আরে মোলো, গাধাগুলো একেবারে অন্ধ,
 বোঝোনাকো কোনো কিছু খালি করে দ্বন্দ্ব।
 কোন্ কাঠে কত রস জানে নাকো তত্ত্ব,
 একাদশী রাতে কেন কাঠে হয় গর্ত ?"

আশে পাশে হিজি বিজি আঁকে কত অঙ্ক
 ফাটা কাঠ ফুটো কাঠ হিসাব অসংখ্য;
 কোন্ ফুটো খেতে ভালো, কোন্টা বা মন্দ,
 কোন্ কোন্ ফাটলের কি রকম গন্ধ।
 কাঠে কাঠে ঠুকে করে ঠকাঠক শব্দ।

বলে, "জানি কোন্ কাঠ কিসে হয় জন্ম;
কাঠকুঠো ঘেঁটেঘুঁটে জানি আমি পষ্ট,
এ কাঠের বজ্জাতি কিসে হয় নষ্ট ।
কোন্ কাঠ পোষ মানে, কোন কাঠ শান্ত,
কোন্ কাঠ টিমিটমে, কোনটা বা জ্যান্ত।
কোন্ কাঠে জ্ঞান নেই মিথ্যা কি সত্য,
আমি জানি কোন্ কাঠে কেন থাকে গর্ত।"

গোঁফ ছুরি

হেড অফিসের বড়বাবু লোকটি বড় শান্ত,
তার যে এমন মাথার ব্যামো কেউ কখনো জানত?
দিব্যি ছিলেন খোসমেজাজে চেয়ারখানি চেপে,
একলা বসে ঝিমঝিমিয়ে হঠাৎ গেলেন স্কেপে !
আঁকে উঠে হাত পা ছুঁড়ে চোখটি ক'রে গোল,
হঠাৎ বলেন, "গেলুম গেলুম, আমায় ধরে তোল !"
তাই শুনে কেউ বদ্যি ডাকে, কেউবা হাঁকে পুলিশ,
কেউবা বলে, "কামড়ে দেবে সাবধানেতে তুলিস ।"
ব্যস্ত সবাই এদিক ওদিক করছে যোরাঘুরি,
বাবু হাঁকেন, "ওরে আমার গোঁফ গিয়েছে ছুরি !"
গোঁফ হারানো ! আজব কথা ! তাও কি হয় সত্যি ?
গোঁফ জোড়া তো তেমনি আছে, কমেনি এক রত্তি ।
সবাই তাঁকে বুঝিয়ে বলে, সামনে ধরে আয়না,
মোটেও গোঁফ হয়নি ছুরি, কক্ষণো তা হয় না।

সংপাত্র

শুনতে পেলাম পোস্তা গিয়ে—
তোমার নাকি মেয়ের বিয়ে ?
গঙ্গারামকে পাত্র পেলে ?
জানতে চাও সে কেমন ছেলে ?
মন্দ নয় সে পাত্র ভালো

রঙ যদিও বেজায় কালো ;
 তার উপরে মুখের গঠন
 অনেকটা ঠিক পেঁচার মতন ;
 বিদ্যে বুদ্ধি ? বলছি মশাই—
 ধন্যি ছেলের অধ্যবসায় !
 উনিশটিবার ম্যাট্রিকে সে
 ঘায়েল হয়ে থামল শেষে ।
 বিষয় আশয় ? গরীব বেজায়—
 কষ্টে—স্ট্রে দিন চলে যায় ।

মানুষ তো নয় ভাইগুলো তার—
 একটা পাগল একটা গৌয়ার ;
 আরেকটি সে তৈরী ছেলে,
 জাল করে নোট গেছেন জেলে ।
 কনিষ্ঠটি তবলা বাজায়
 যাত্রাদলে পাঁচ টাকা পায় ।
 গঙ্গারাম তো কেবল ভোগে
 পিলের জ্বর আর পাণু রোগে।
 কিন্তু তারা উচ্চ ঘর,
 কংসরাজের বংশধর !
 শ্যাম লাহিড়ী বনগ্রামের
 কি যেন হয় গঙ্গারামের ।—
 যহোক, এবার পাত্র পেলে,
 এমন কি আর মন্দ ছেলে ?

গানের গুঁতো

গান জুড়েছেন গ্রীষ্মকালে ভীষ্মলোচন শর্মা।
 আওয়াজখানা দিচ্ছে হানা দিল্লী থেকে বর্মা !
 গাইছে ছেড়ে প্রাণের মায়া, গাইছে তেড়ে প্রাণপণ,
 ছুটেছে লোকে চারদিকেতে ঘুরছে মাথা ভন্ডন্।
 মরছে কত জখম হয়ে করছে কত ছটফট—
 বলছে হেঁকে, "প্রাণটা গেল, গানটা থামাও রটপট ।"

বাঁধন—ছেঁড়া মহিষ ঘোড়া পথের ধারে চিৎপাত ;
 ভীষ্মলোচন গাইছে তেড়ে নাইকো তাহে দৃকপাত।
 চার পা তুলি জন্তুগুলি পড়ছে বেগে মূর্ছায়,
 লাঙ্গুল খাড়া পাগল পারা বলছে রেগে "দূর ছাই !"
 জলের প্রাণী অবাক মানি গভীর জলে চূপচাপ,
 গাছের বংশ হচ্ছে ধংস পড়ছে দেদার ঝুপঝাপ ।
 শূন্য মাঝে ঘূর্ণা লেগে ডিগবাজি খায় পক্ষী,
 সবাই হাঁকে, "আর না দাদা, গানটা থামাও লক্ষ্মী ।"
 গানের দাপে আকাশ কাঁপে দালান ফাটে বিলকুল,
 ভীষ্মলোচন গাইছে ভীষণ খোশমেজাজে দিল্ খুল্।
 এক যে ছিল পাগলা ছাগল, এমনি সেটা ওস্তাদ,
 গানের তালে শিং বাগিয়ে মারলে গুঁতো পশ্চাৎ।
 আর কোথা যায় একটি কথায় গানের মাথায় ডাঙা,
 'বাপরে' বলে ভীষ্মলোচন এক্কেবারে ঠাঙা।

খুড়োর কল

কল করেছেন আজব রকম চণ্ডীদাসের খুড়ো—
 সবাই শুনে সাবাস্ বলে পাড়ার ছেলে বুড়ো।
 খুড়োর যখন অল্প বয়স— বছর খানেক হবে—
 উঠল কেঁদে 'গুংগা' বলে ভীষণ অট্টরবে ।
 আর তো সবাই 'মামা' 'গাপা' আবোল তাবোল বকে,
 খুড়োর মুখে 'গুংগা' শুনে চমেক গেল লোকে।
 বলল সবাই, "এই ছেলেটা বাঁচলে পরে তবে,
 বুদ্ধি জোরে এ সংসারে একটা কিছু হবে।"
 সেই খুড়ো আজ কল করেছেন আপন বুদ্ধি বলে,
 পাঁচ ঘন্টার রাস্তা যাবেন দেড় ঘন্টায় চলে ।
 দেখে এলাম কলটি অতি সহজ এবং সোজা,
 ঘন্টা পাঁচেক ঘাঁটলে পরে আপনি যাবে বোঝা।

লড়াই স্ক্যাপা

অই আমাদের পাগলা জগাই, নিত্য হেথায় আসে ;
 আপন মনে গুনগুনিয়ে মুচকি—হাসি হাসে ।
 চলতে গিয়ে হঠাৎ যেন থমক লেগে থামে,
 তড়াক করে লাফ দিয়ে যায় ডাইনে থেকে বামে ।
 ভীষণ রোখে হাত গুটিয়ে সামলে নিয়ে কোঁচা,
 'এইয়ো' বলে স্ক্যাপার মতো শূন্যে মারে খোঁচা,
 চোঁচিয়ে বলে, "ফাঁদ পেতেছ ? জগাই কি তায় পড়ে ?
 সাত—জার্মান, জগাই একা, তবুও জগাই লড়ে ।"
 উৎসাহেতে গরম হয়ে তিড়িৎবিড়িৎ নাচে,
 কখনও যায় সামনে তেড়ে, কখনও যায় পাছে ।
 এলোপাতাড়ি ছাতার বাড়ি ধুপুস্ ধাপুস্ কতো!
 চক্ষু বুজে কায়দা খেলায় চর্কিবাজির মতো ।
 লাফের চোটে হাঁপিয়ে ওঠে গায়েতে ঘাম ঝরে,
 দুডুম করে মাটির পরে লম্বা হয়ে পড়ে ।
 হাত পা ছুঁড়ে চেঁচায় খালি চোখটি করে ষোলা,
 "জগাই মোলো হঠাৎ খেয়ে কামানের এক গোলা !"
 এই না বলে মিনিট খানেক ছটফটিয়ে খুব,
 মড়ার মত শক্ত হ'য়ে একেবারে চুপ !
 তার পরেতে সটান বসে চুলকে খানিক মাথা,
 পকেট থেকে বার করে তার হিসেব লেখার খাতা ।
 লিখলো তাতে — "শোনরে জগাই, ভীষণ লড়াই হলো,
 পাঁচ ব্যাটাকে খতম করে জগাইদাদা মোলো।"

সাবধান

আরে আরে, ওকি কর প্যালারাম বিশ্বাস ?
 ফোঁস্ ফোঁস্ অত জোরে ফেলোনাকো নিশ্বাস ।
 জানো নাকি সে—বছর ও—পাড়ার ভূতানাথ,
 নিশ্বাস নিতে গিয়ে হয়েছিল কুপোকাত?

হাঁপ ছাড় হ্যাসফ্যাস ও—রকম হাঁ করে—
 মুখে যদি ঢুকে বসে পোকা মাছি মাকড়ে ?
 বিপিনের খুড়ো হয় বুড়ো সেই হল রায়,
 মাছি খেয়ে পাঁচমাস ভুগেছিল কলেরায় ।
 তাই বলি—সাবধান ! করোনাকো ধুপ্ধাপ্,
 টিপি টিপি পায় পায় চলে যাও চুপ্চাপ্ ।
 চেয়োনাকো আগে পিছে, যেয়োনাকো ডাইনে
 সাবধানে বাঁচে লোকে—এই লেখে আইনে ।
 পড়েছো তো কথামালা ? কে যেন সে কি করে
 পথে যেতে পড়ে গেল পাতকোর ভিতরে ?
 ভাল কথা—আর যেন সকালে কি দুপুরে,
 নেয়োনাকো কোনদিন ঘোষেদের পুকুরে ;
 এ—রকম মোটা দেহে কি যে হবে কোন দিন,
 কথাটাকে ভেবে দেখ কি—রকম সঙ্গিন ।

চটো কেন ? হয় নয় কেবা জানে পষ্ট,
 যদি কিছু হয়ে পড়ে পাবে শেষে কষ্ট ।
 মিছিমিছি ঘ্যান্ঘ্যান্ কেন কর তক্ক ;
 শিখেছ জ্যাঠামো খালি, ইঁচড়েতে পক্ক ।
 মানবে না কোনো কথা চলা ফেরা আহারে,
 একদিন টের পাবে ঠেলা কয় কাহারে ।
 রমেশের মেজমামা সেও ছিল সেয়না,
 যত বলি ভালো কথা কানে কিছু নেয় না ;
 শেষকালে একদিন চান্নির বাজারে
 পড়ে গেল গাড়ি চাপা রাস্তার মাঝারে ।

ছায়াজী

আজগুবি নয়, আজগুবি নয়, সত্যিকারের কথা—

ছায়ার সাথে কুস্তি করে গাত্রে হল ব্যথা ।

ছায়া ধরার ব্যাবসা করি তাও জানোনা বুঝি?

রোদের ছায়া, চাঁদের ছায়া, হরেক রকম পুঁজি !
 শিশির ভেজা সদ্য ছায়া, সকাল বেলায় তাজা,
 গ্রীষ্মকালে শুকনো ছায়া ভীষণ রোদে ভাজা।
 চিলগুলো যায় দুপুরবেলায় আকাশ পথে ঘুরে,
 ফাঁদ ফেলে তার ছায়ার উপর খাঁচায় রাখি পুরে ।
 কাগের ছায়া বগের ছায়া কত খেঁটে
 হান্কা মেঘের পানসে ছায়া তাও দেখেছি চেটে ।
 কেউ জানে না এ—সব কথা কেউ বোঝে না কিছু,
 কেউ ঘোরে না আমার মত ছায়ার পিছুপিছু ।
 তোমরা ভাব গাছের ছায়া অমনি লুটায় ভুঁয়ে,
 অমনি শুধু ঘুমায় বুঝি শান্ত মত শুয়ে ;
 আসল ব্যাপার জানবে যদি আমার কথা শোনো,
 বলছি যা তা সত্যি কথা, সন্দেহ নাই কোনো।
 কেউ যবে তার রয়না কাছে, দেখতে নাহি পায়,
 গাছের ছায়া ফটফটিয়ে এদিক ওদিক চায় ।
 সেই সময়ে গুড়গুড়িয়ে পিছন হতে এসে
 ধামায় চেপে ধপাস করে ধরবে তারে ঠেসে ।
 পাতলা ছায়া, ফোকলা ছায়া, ছায়া গভীর কালো—
 গাছের চেয়ে গাছের ছায়া সব রকমেই ভাল ।

গাছ গাছালি শেকড় বাকল মিথ্যে সবাই গেলে,
 বাপের বলে পালায় ব্যামো ছায়ার ওষুধ খেলে।
 নিমের ছায়া ঝিঙের ছায়া তিজু ছায়ার পাক,
 যেই খাবে ভাই অঘোর ঘুমে ডাকবে তাহার নাক ।
 চাঁদের আলোয় পেঁপের ছায়া ধরতে যদি পারো,
 শুঁকলে পরে সর্দিকাশি থাকবে না আর কারো।
 আমড়া গাছের নোংরা ছায়া কামড়ে যদি খায়,
 লাংড়া লোকের ঠ্যাং গজাবে সন্দেহ নেই তায়।
 আষাঢ় মাসের বাদলা দিনে বাঁচতে যদি চাও,
 তেঁতুল তলার তপ্ত ছায়া হপ্তা তিনেক খাও ।
 মৌয়া গাছের মিষ্টি ছায়া'ব্লাটিং' দিয়ে শুষে,
 ধুয়ে মুছে সাবধানেতে রাখছি ঘরে পুষে !
 পাক্কা নতুন টাটকা ওষুধ এক্কেবারে দিশি—

দাম করেছি সস্তা বড় চোন্দ আনা শিশি।

কুম্ভোপটাশ

(যদি) কুম্ভোপটাশ নাচে—

খবরদার এসো না কেউ আশ্রাবলের কাছে;
চাইবে নাকো ডাইনে বাঁয়ে চাইবে নাকো পাছে ;
চার পা তুলে থাকবে ঝুলে হট্টমুলার পাছে ।

(যদি) কুম্ভোপটাশ কাঁদে—

খবরদার ! খবরদার ! বসবে না কেউ ছাদে ;
উপুড় হয়ে মাচায় শুয়ে লেপ কঞ্চল কাঁধে,
বেহাগ সুরে গাইবে খালি 'রাধে কৃষ্ণ রাধে !'

(যদি) কুম্ভোপটাশ হাসে—

থাকবে খাড়া একটি ঠ্যাঙে রান্নাঘরের পাশে ;
ঝাপসা গলায় ফার্সি কবে নিশ্বাসে ফিস্ফাসে ;
তিনটি বেলা উপোস করে থাকবে শুয়ে ঘাসে !

(যদি) কুম্ভোপটাশ ছোটে—

সবাই যেন তড়বড়িয়ে জানালা বেয়ে ওঠে ;
হুকোর জলে আলতা গুলে লাগায় গলে ঠোঁটে ;
ভুলেও যেন আকাশ পানে তাকায় না কেউ মোটে !

(যদি) কুম্ভোপটাশ ডাকে—

সবাই যেন শ্যামলা ঐটে গামলা চড়ে থাকে ;
ছেঁচকি শাকের ঘন্ট বেটে মাথায় মলম মাখে ;
শক্ত হুঁটের তণ্ড ঝামা ঘষতে থাকে নাকে ।

তুচ্ছ ভেবে এ—সব কথা করছ যারা হেলা,
কুম্ভোপটাশ জানতে পেলে বুঝবে তখন ঠেলা।
দেখবে তখন কোন্ কথাটি কেমন করে ফলে,
আমায় তখন দোষ দিও না, আগেই রাখি বলে ।

পঁ্যাচা আৰ পঁ্যাচানী

পঁ্যাচা কয় পঁ্যাচানী,
 খাসা তোর চঁ্যাচানি
 শুনে শুনে আনমন
 নাচে মোৰ প্ৰাণমন!
 মাজা—গলা চাঁচা—সুর
 আহলাদে ভৰপূৰ !
 গলা—চেরা ধমকে
 গাছ পালা চমকে,
 সুরে সুরে কত পঁ্যাচ
 গিটিকরি কাঁচ কাঁচ !
 যত ভয় যত দুখ
 দূৰু দূৰু ধুক্ ধুক্,
 তোর গানে পেঁচি রে
 সব ভুলে গেছি রে,
 চাঁদমুখে মিঠে গান
 শুনে বৰে দু'নয়ান ।

কাতুকুতু বুড়ো

আৰ যেখানে যাও না রে ভাই সপ্তসাগর পার,
 কাতুকুতু বুড়োর কাছে যেও না খবরদার !
 সর্বনেশে বৃদ্ধ সে ভাই যেও না তার বাড়ী—
 কাতুকুতুর কুলি্প খেয়ে ছিঁড়বে পেটের নাড়ী ।
 কোথায় বাড়ী কেউ জানে না, কোন্ সড়কের মোড়ে,
 একলা পেলে জোর ক'রে ভাই গল্প শোনায় প'ড়ে ।
 বিদ্যুটে তার গল্পগুলো না জানি কোন্ দেশী,
 শুনলে পরে হাসির চেয়ে কান্না আসে বেশী ।

না আছে তার মুণ্ডু মাথা, না আছে তার মানে,
 তবুও তোমায় হাসতে হবে তাকিয়ে বুড়োর পানে ।
 কেবল যদি গল্প বলে তাও থাকা যায় সয়ে,
 গায়ের উপর সুড়সুড়ি দেয় লম্বা পালক লয়ে ।
 কেবল বলে, "হোঃ হোঃ হোঃ, কেষ্টদাসের পিসি—
 বেচ্ছ খালি কুমড়ো কচু হাঁসের ডিম আর তিসি ।
 ডিমগুলো সব লম্বা মতন, কুমড়োগুলো বাঁকা,
 কচুর গায়ে রঙ—বেরঙের আল্পনা সব আঁকা ।
 অষ্ট প্রহর গাইত পিসি আওয়াজ ক'রে মিহি,
 ম্যাও ম্যাও ম্যাও বাকুম বাকুম ভৌ ভৌ ভৌ চীহি ।"
 এই না বলে কুটুং ক'রে চিমটি কাটে ঘাড়ে,
 খ্যাংরা মতন আঙুল দিয়ে খোঁচায় পঁাজর হাড়ে ।
 তোমায় দিয়ে সুড়সুড়ি সে আপনি লুটোপুটি,
 যতক্ষণ না হাসবে তোমার কিচ্ছুতে নাই ছুটি ।

বুড়ীর বাড়ী

গালভরা হাসিমুখে চালভাজা মুড়ি,
 বুরবুরে প'ড়ে ঘরে থুরথুরে বুড়ী ।
 কাঁথাভরা বুলকালি, মাথাভরা ধুলো,
 মিট্টিটে ঘোলা চোখ, পিট খানা কুলো ।
 কাঁটা দিয়ে আঁটা ঘর—আঠা দিয়ে সঁটে,
 সূতো দিয়ে বেঁধে রাখে থুতু দিয়ে চেটে ।
 ভর দিতে ভয় হয় ঘর বুঝি পড়ে,
 খক্ খক্ কাশি দিলে ঠক্ ঠক্ নড়ে
 ডাকে যদি ফিরিওয়ালো, হাঁকে যদি গাড়ী,
 খসে পড়ে কড়িকাঠ ধসে পড়ে বাড়ী ।
 বাঁকাচোরা ঘরদোর ফাঁকা ফাঁকা কত,
 বাঁট দিলে ঝরে প'ড়ে কাঠকুটো যত ।
 ছাদগুলো বুলে পড়ে বাদলায় ভিজে,
 একা বুড়ী কাঠি গুঁজে ঠেকা দেয় নিজে ।

মেরামত দিনরাত কেরামত ভারি,
থুরথুরে বুড়ী তার ঝুরঝুরে বাড়ী ॥

হাতুড়ে

একবার দেখে যাও ডাক্তারি কেরামৎ —
কাটা ছেঁড়া ভাঙা চেরা চটপট মেরামৎ ।
কয়েছেন গুরু মোর, "শোন শোন বৎস,
কাগজের রোগী কেটে আগে কর মক্স
।"

উৎসাহে কি না হয় ? কি না হয় চেষ্টায় ?
অভ্যাসে চটপট হাত পাকে শেষটায় ।
খেটে খুটে জল হ'ল শরীরের রক্ত,
শিখে দেখি বিদ্যেটা নয় কিছু শক্ত ।
কাটা ছেঁড়া ঠুকঠাক, কত দেখ যন্ত্র,
ভেঙে চুরে জুড়ে দেই তারও জানি মন্ত্র ।
চোখ বুজে চটপট বড় বড় মূর্তি,
যত কাটি ঘ্যাস্ ঘ্যাস্ তত বাড়ে ফুর্তি ।
ঠ্যাং—কাটা গলা—কাটা কত কাটা হস্ত,
শিরিষের আঠা দিয়ে জুড়ে দেই চোস্ত ।
এইবারে বলি তাই, রোগী চাই জ্যান্ত—
ওরে ভোলা, গোটাছয় রোগী ধরে আন্ত!

গেঁটেবাত্তে ভুগে মরে ও পাড়ার নন্দী,
কিছুতেই সারাবে না এই তার ফন্দি—
একদিন এনে তারে এইখানে ভুলিয়ে,
গেঁটেবাত্তে ঘেঁটে—ঘুঁটে সব দেব ঘুলিয়ে ।
কার কানে কটকট্ কার নাকে সর্দি,
এস, এস, ভয় কিসে ? আমি আছি বন্দি ।
শুয়ে করে ? ঠ্যাং—ভাঙা ? ধ'রে আন এখানে,
জুপ দিয়ে এঁটে দেব কি রকম দেখেনে ।
গালফোলা কাঁদো কেন ? দাঁতে বুঝি বেদনা ?
এস, এস, ঠুকে দেই—আর মিছে কেঁদো না ।
এই পাশে গোটা দুই, ওই পাশে তিনটে—
দাঁতগুলো টেনে দেখি—কোথা গেল চিমটে ?
ছেলে হও, বুড়ো হও, অন্ধ কি পঙ্গু,
মোর কাছে ভেদ নাই, কলেরা কি ডেঙ্গু—
কালাজ্বর, পালাজ্বর, পুরনো কি টাটকা,
হাতুড়ির একঘায়ে একেবারে আটকা !

কিস্তুত !

বিদঘুটে জানোয়ার কিমাকার কিস্তুত,
সারাদিন ধ'রে তার শুনি শুধু খুঁতখুঁত ।
মাঠপারে ঘাটপারে কেঁদে মরে খালি সে,
ঘ্যান্ ঘ্যান্ আব্দারে ঘন ঘন নালিশে ।

কেঁদে কেঁদে শেষটায়—আষাঢ়ের বাইশে
হ'ল বিনা চেষ্টায় চেয়েছে যা তাই সে ।
ভুলে গিয়ে কাঁদাকাটি আহলাদে আবেশে
চুপি চুপি একলাটি ব'সে ব'সে ভাবে সে—

এটা চাই সেটা চাই কত তার বায়না—
 কি যে চায় তাও ছাই বোঝা কিছু যায় না।
 কোকিলের মত তার কণ্ঠেতে সুর চাই,
 গলা শুনে আপনার, বলে, 'উঁহুঁ, দূর ছাই !'
 আকাশেতে উড়ে যেতে পাখিদের মানা নেই।
 তাই দেখে মরে কেঁদে—তার কেন ডানা নেই।
 হাতিটার কি বাহার দাঁতে আর শুণ্ডে—
 ও—রকম জুড়ে তার দিতে হবে মুণ্ডে !
 ক্যাঙ্গারুর লাফ দেখে হয় তার হিংসে—
 ঠ্যাং চাই আজ থেকে ঢ্যাংচেঙে চিম্বেস !
 সিংহের কেশরের মত তার তেজ কই ?
 পিছে খাসা গোসাপের খাঁজকাটা লেজ কই ?
 একলা সে সব হ'লে মেটে তার প্যাখনা ;
 যারে পায় তারে বলে, 'মোর দশা দেখনা!'

লাফ দিয়ে হুশ্ করে হাতি কভু নাচে কি ?
 কলাগাছ খেলে পরে ক্যাঙ্গারুটা বাঁচে কি ?
 ভোঁতামুখে কুহুডাক শুনে লোকে কবে কি ?
 এই দেহে শুঁড়ো নাক খাপছাড়া হবে কি ?
 বুড়ো হাতি ওড়ে ব'লে কেউ যদি গালি দেয় ?
 কান টেনে ল্যাঙ্ক ম'লে 'দুয়ো' বলে তালি দেয় ?
 কেউ যদি তেড়ে মেড়ে বলে তার সামনেই—
 'কোথাকার তুই করে, নাম নেই ধাম নেই ?'
 জবাব কি দেবে ছাই, আছে কিছু বলবার ?
 কাঁচুমাচু ব'সে তাই, মনে শুধু তোলপাড়—
 'নই যোড়া, নই হাতি, নই সাপ বিচ্ছু,
 মৌমাছি প্রজাপতি নই আমি কিচ্ছু ।
 মাছ ব্যাং গাছপাতা জলমাটি চেউ নই,
 নই জুতা, নই ছাতা, আমি তবে কেউ নই !'

চোর ধরা

আরে ছি ছি ! রাম রাম ! ব'লো নাহে ব'লো না,
 চলেছ যা জুয়াচুরি, নাহি তার তুলনা !
 যেই আমি দেই ঘুম টিফিনের আগেতে,
 ভয়ানক ক'মে যায় খাবারের ভাগেতে !
 রোজ দেখি খেয়ে গেছে, জানিনাকো কারা সে,
 কালকে যা হ'য়ে গেল ডাকাতির বাড়া সে !
 , লুচি তিন গণ্ডা,
 গোটা দুই জিবে গজা, গুটি দুই মণ্ডা,
 আরো কত ছিল পাতে আলুভাজা ঘুঙিন—
 ঘুম থেকে উঠে দেখি পাতাখানা শূন্য !

তাই আজ স্বেপে গেছি—কত আর পারব ?
 এতদিন স'য়ে স'য়ে এইবারে মারব ।
 খাড়া আছি সারাদিন হুঁশিয়ার পাহারা,

দেখে নেব রোজ রোজ খেয়ে যায় কাহারো ।
 রানু হও, দানু হও, ওপাড়ার ঘোষ বোস্—
 যেই হও, এইবারে থেমে যাবে ফোঁসেফোঁস্ ।
 খাট্বে না জারিজুরি আঁটেবে না মারপ্যাঁচ
 যারে পাব ঘাড়ে ধ'রে কেটে দেব ফ্যাঁচফ্যাঁচ ।
 এই দেখ ঢাল নিয়ে খাড়া আছি আড়ালে,
 এইবারে টের পাবে মুণ্ডটা বাড়ালে ।

রোজ বলি 'সাবধান !' কানে তবু যায় না ?
 ঠেলাখানা বুঝি তো এইবারে আয় না!

ভাল রে ভাল

দাদা গো ! দেখিছ ভেবে অনেক দূর—
 এই দুনিয়ার সকল ভাল,
 আসল ভাল নকল ভাল,
 সস্তা ভাল দামীও ভাল,
 তুমিও ভাল আমিও ভাল,
 হেথায় গানের ছন্দ ভাল,
 হেথায় ফুলের গন্ধ ভাল,
 মেঘ—মাখানো আকাশ ভাল,
 চেউ—জাগানো বাতাস ভাল,
 গ্রীষ্ম ভাল বর্ষা ভাল,
 ময়লা ভাল ফর্সা ভাল,
 পোলাও ভাল কোর্মা ভাল,

মাছ পটলের দোলমা ভাল,
 কাঁচাও ভাল পাকাও ভাল,
 সোজাও ভাল বাঁকাও ভাল,
 কাঁসিও ভাল ঢাকও ভাল,
 টিকিও ভাল টাকও ভাল,
 ঠেলার গাড়ী ঠেলতে ভাল,
 খাস্তা লুচি বেলেতে ভাল,
 গিটিকরি গান শুনতে ভাল,
 শিমুল তুলো ধুনেতে ভাল,
 ঠাণ্ডা জলে নাঁইতে ভাল,
 কিন্তু সবার চাইতে ভাল—
 পাঁউরুটি আর ঝোলা গুড় ।

অবাক কাণ্ড

শুনছ দাদা ! ঐ যে হোথায় বদ্যি বুড়ো থাকে,
 সে নাকি রোজ খাবার সময় হাত দিয়ে ভাত মাখে ?

শুনিছ নাকি খিদেও পায় সারা দিন না খেলে ?
 চক্ষু নাকি আপনি বোজে ঘুমটি তেমন পেলো?
 চলত গেলে ঠ্যাং নাকি তার ভুঁয়ের পরে ঠেকে ?
 কান দিয়ে সব শোনে নাকি ? চোখ দিয়ে সব দেখে ?
 শোয় নাকি সে মুণ্ডটাকে শিয়র পানে দিয়ে?
 হয় কি না হয় সত্যি মিথ্যা চল না দেখি গিয়ে ?

বাবু রাম সাপুড়ে

বাবুরাম সাপুড়ে,	কোথা যাস্ বাপুরে?
আয় বাবা দেখে যা,	দুটো সাপ রেখে যা—
যে সাপের চোখ নেই,	শিং নেই, নোখ নেই,
ছোটো না কি হাঁটে না,	কাউকে যে কাটে না,
করে নাকো ফোঁস্ ফাঁস্,	মারে নাকো টুশ্টাশ্,
নেই কোনো উৎপাত,	খায় শুধু দুধ ভাত,
সেই সাপ জ্যান্ত	গোটা দুই আন্ত!
তেড়ে মেরে ডাঙা	ক'রে দিই ঠাঙা।

বোম্বাগড়ের রাজা

কেউ কি জান সদাই কেন বোম্বাগড়ের রাজা
 ছবির ফ্রেমে বাঁধিয়ে রাখে আমসত্ত ভাজা ?
 রানীর মাথায় অষ্ট প্রহর কেন বালিশ বাঁধা ?
 পাঁউরুটিতে পেরেক ঠোকে কেন রানীর দাদা ?
 কেন সেথায় সর্দি হ'লে ডিগ্‌বাজি খায় লোকে?
 জোছনা রাতে সবাই কেন আলতা মাথায় চোখে ?
 ওস্তাদেরা লেপ মুড়ি দেয় কেন মাথায় ঘাড়ে ?
 টাকের 'পরে পণ্ডিতেরা ডাকের টিকিট মারে ?

রাত্রে কেন ট্যাক্‌ঘড়িটা ডুবিয়ে রাখে ঘিয়ে ?

কেন রাজার বিছনা পাতা শিরীষ কাগজ দিয়ে ?
 সভায় কেন চেঁচায় রাজা 'হুকা হুয়া' ব'লে ?
 মন্ত্রী কেন কলসী বাজায় ব'সে রাজার কোলে ?
 সিংহাসনে ঝোলায় কেন ভাঙা বোতল শিশি ?
 কুমড়ো দিয়ে ক্রিকেট খেলে কেন রাজার পিসি ?
 রাজার খুড়ো নাচেন কেন হুঁকোর মালা প'রে ?
 এমন কেন ঘটছে তা কেউ বলতে পার মোরে ?

শব্দকল্পদ্রুম্ !

ঠাস্ ঠাস্ দ্রম্ দ্রাম্, শুনে লাগে খট্কা
 ফুল ফোটে ? তাই বল ! আমি ভাবি পট্কা !
 শাঁই শাঁই পনপন, ভয়ে কান বন্ধ—
 ওই বুঝি ছুটে যায় সে—ফুলের গন্ধ ?
 হুড়মুড় ধুপ্ধাপ্ — ওকি শুনি ভাই রে !
 দেখ্ছ না হিম পড়ে—যেওনাকো বাইরে ।
 চুপ চুপ ঐ শোন্! ঝুপ্ ঝাপ্ ঝ—পাস !
 চাঁদ বুঝি ডুবে গেল ?—গব্ গব্ গ—বাস !
 খ্যাশ্ খ্যাশ্ ঘ্যাচ্ ঘ্যাচ্, রাত কাটে ঐরে !
 দুড্ দাড্ চুরমার—ঘুম ভাঙে কই রে !
 ঘর্ ঘর্ ভন্ ভন্ ঘোরে কত চিন্তা!
 কত মন নাচে শোন্—ধেই ধেই ধিন্তা!
 ঠুং ঠাং চং চং, কত ব্যথা বাজে রে—
 ফট্ ফট্ বুক ফাটে তাই মাঝে মাঝে রে !
 হৈ হৈ মার্ মার্ 'বাপ্ বাপ্' চীৎকার—
 মালকোঁচা মারে বুঝি ? সরে পড় এইবার ।

নেড়া বেলতলায় যায় কবার ?

রোদে রাঙা হুঁটের পঁজা তার উপরে বসল রাজা—

ঠোঙাভরা বাদামভাজা খাচ্ছে কিন্তু গিলছে না

গায়ে আঁটা গরম জামা পুড়ে পিঠ হচ্ছে ঝামা ;
 রাজা বলে, "বৃষ্টি নামা— নইলে কিচ্ছু মিলছে না ।"
 থাকে সারা ছপুর ধ'রে ব'সে ব'সে চুপটি ক'রে,
 হাঁড়িপানা মুখটি ক'রে আঁকড়ে ধ'রে শ্লেটটুকু ;
 যেমে যেমে উঠছে ভিজে ভ্যাবাচ্যাকা একলা নিজে,
 হিজিবিজি লিখছে কি যে বুঝছে না কেউ একটুকু ।
 ঝাঁ ঝাঁ রোদ আকাশ জুড়ে, মাথাটার ঝাঁঝ ফুঁড়ে,
 মগজেতে নাচছে ঘুরে রক্তগুলো ঝান্ ঝান্;
 ঠাঠা—পড়া ছপুর দিনে, রাজা বলে, "আর বাঁচিনে,
 ছুটে আন্ বরফ কিনে ক'ছে কেমন গা ছনছন্ ।"
 সবে বলে, "হায় কি হল ! রাজা বুঝি ভেবেই মোলো !
 ওগো রাজা মুখটি খোল—কওনা ইহার কারণ কি ?
 রাঙামুখ পান্‌স যেন তেলে ভাজা আম্‌স হেন,
 রাজা এত ঘামছে কেন—শুনতে মোদের বারণ কি ?"

 রাজা বলে, "কেইবা শোনে যে কথাটা ঘুরছে মনে,
 মগজের নানান্ কোণে— আনছি টেনে বাইরে তায়,
 সে কথাটা বলছি শোন, যতই ভাব যতই গোণ,
 নাহি তার জবাব কোনো কুলকিনারা নাইরে হায় !
 লেখা আছে পুঁথির পাতে, 'নেড়া যায় বেলতলাতে,'
 নাহি কোনো সন্দ তাতে—কিন্তুপ্রশ্ন'কবার যায় ?'
 এ কথাটা এদিনেও পারোনিকো বুঝতে কেও,
 লেখেনিকো পুস্তকেও, দিচ্ছে না কেউ জবাব তায় ।
 লাখোবার যায় যদি সে যাওয়া তার ঠেকায় কিসে ?
 ভেবে তাই না পাই দিশে নাই কি কিচ্ছু উপায় তার ?"
 এ কথাটা যেমনি বলা রোগা এক ভিস্তিওলা
 টিপ্ ক'রে বাড়িয়ে গলা প্রণাম করল ছপায় তার ।
 হেসে বলে, "আজ্ঞে সে কি ? এতে আর গোল হবে কি ?
 নেড়াকে তো নিত্য দেখি আপন চোখে পরিষ্কার—
 আমাদেরি বেলতলা সে নেড়া সেথা খেলতে আসে
 হরে দরে হয়তো মাসে নিদেন পক্ষ পঁচিশ বার ।"

বুঝিয়ে বলা

ও শ্যামাদাস ! আয়তো দেখি, বোস তো দেখি এখানে,
সেই কথাটা বুঝিয়ে দেব পাঁচ মিনিটে, দেখে নে।
জ্বর হয়েছে ? মিথ্যে কথা ! ওসব তোদের চালাকি—
এই যে বাবা চেঁচাচ্ছিলি, শুনতে পাইনি ? কালা কি ?
মামার ব্যামো? বদ্যি ডাকবি ? ডাকিস না হয় বিকেলে
না হয় আমি বাৎলে দেব বাঁচবে মামা কি খেলে !
আজকে তোকে সেই কথাটা বোঝাবই বোঝাব—
না বুঝবি তো মগজে তোর গজাল মেরে গাঁজাব।
কোন কথাটা? তাও ভুলেছিস্ ? ছেড়ে দিছিস্ হাওয়াতে ?
কি বলছিলেম পরশু রাতে বিঁষ্টু বোসের দাওয়াতে?
ভুলিসনি তো বেশ করেছিস্, আবার শুনলে ক্ষেতি কি ?
বড় যে তুই পালিয়ে বেড়াস্, মাড়াসেন যে এদিক্ই !
বলছি দাঁড়া, ব্যস্ত কেন ? বোস্ তাহলে নিচুতেই—
আজকালের এই ছোকরাগুলোর তর্ সয়না কিছুতেই।
আবার দেখ ! বসলি কেন ? বইগুলো আন্ নামিয়ে—
তুই থাকেত মুটের বোঝা বইতে যাব আমি এ?
সাবধানে আন্, ধরছি দাঁড়া—সেই আমাকেই ঘামালি,
এই খেয়ছে ! কোন্ আক্লে শব্দকোষটা নামালি?
চের হয়েছে ! আয় দেখি তুই বোস্ তো দেখি এদিকে—
ওরে গোপাল গোটাকয়েক পান দিতে বল্ খেঁদিকে।

বলছিলাম কি, বস্তপিও সূক্ষ্ম হতে স্থুলেতে,
অর্থাৎ কিনা লাগেছ ঠেলা পঞ্চভূতের মূলেতে—
গোড়ায় তবে দেখতে হবে কোথেকে আর কি ক'রে,
রস জমে এই প্রপঞ্চময় বিশ্বতরুর শিকড়ে।
অর্থাৎ কিনা, এই মনে কর, রোদ পড়েছে ঘাসেতে,
এই মনে কর, চাঁদের আলো পড়লো তারি পাশেতে—
আবার দেখ ! এরই মধ্যে হাই তোলবার মানে কি?
আকাশপানে তাকাস্ খালি, যাচ্ছে কথা কানে কি ?
কি বল্লি তুই ? এ সব শুধু আবোল তাবোল বকুনি ?
বুঝতে হলে মগজ লাগে, বলেছিলাম তখুনি।

মগজভরা গোবর তোদের হচ্ছে যুঁটে শুকিয়ে,
 যায় কি দেওয়া কোন কথা তার ভিতরে ঢুকিয়ে?—
 ও শ্যামাদাস ! উঠলি কেন ? কেবল যে চাস্ পাতাতে !
 না শুনবি তো মিথ্যে সবাই আসিস্ কেন জ্বালাতে?
 তত্বকথা যায় না কানে যতই মরি চাঁচিয়ে—
 ইচ্ছে করে ডানিপট্টেদের কান ম'লে দি পেঁচিয়ে ।

হঁকো মুখোহ্যাংলা

হঁকোমুখোহ্যাংলা বাড়ী তার বাংলা
 মুখে তার হাসি নাই দেখেছ ?
 নাই তার মানে কি ? কেউ তাহা জানে কি ?
 কেউ কভু কাছে তার থেকেছ ?

শ্যামদাস মামা তার আফিঙের খানাদার হঁকোমুখো হঁকে কয়, "আরে দূর, তা তো নয়,
 আর তার কেউ নেই এ—ছাড়া— দেখছ না কি রকম চিন্তা ?
 তাই বুঝি একা সে মুখখানা ফ্যাকাশে, মাছি মারা ফন্দি এ যত ভাবি মন দিয়ে—
 ব'সে আছে কাঁদ—কাঁদ বেচারী ? ভেবে ভেবে কেটে যায় দিনটা ।

থপ্ থপ্ পায়ে সে নাচত যে আয়েসে, বসে যদি ডাইনে, লেখে মোর আইনে—
 গালভরা ছিল তার ফুর্তি, এই ল্যাঙ্গে মাছি মারি দ্রস্ত ;
 গাইতো সে সারাদিন 'সারে গামা টিম্টিম্' বামে যদি বসে তাও, নহি আমি পিছপাও,
 আহলাদে গদ—গদ মূর্তি । এই ল্যাঙ্গে আছে তার অস্ত্র ।

এই তো সে দুপুরে বসে ওই উপরে, যদি দেখি কোনো পাজি বসে ঠিক মাঝমাঝি
 খাচ্ছিল কাঁচকলা চটেক— কি যে করি ভেবে নাহি পাই রে —
 এর মাঝে হল কি ? মামা তার মোলো কি ? ভেবে দেখি একি দায় কোন্ ল্যাঙ্গে মারি তায়,
 অথবা কি ঠ্যাং গেল মট্ কে ? দুটি বই ল্যাজ মোর নাই রে!"

একুশে আইন

যে সব লোকে পদ্য লেখে,

শিব ঠাকুরের আপন দেশে,
 আইন কানুন সর্বনেশে !
 কেউ যদি যায় পিছেল প'ড়ে
 প্যায়দা এসে পাকেড় ধরে,
 কাজির কাছে হয় বিচার—
 একুশ টাকা দণ্ড তার ॥

সেথায় সন্ধ্যে ছ'টার আগে,
 হাঁচতে হ'লে টিকিট লাগে ;
 হাঁচলে পরে বিনিটিকিটে—
 দম্‌দমাদম্‌ লাগায় পিঠে,
 কোটাল এসে নস্যি ঝাড়ে—
 একুশ দফা হাঁচিয়ে মারে ॥

কারুর যদি দাঁতটি নড়ে,
 চারটি টাকা মাশুল ধরে,
 কারুর যদি গৌফ গজায়,
 একশো আনা ট্যাক্স চায়—
 খুঁচিয়ে পিঠে গুঁজিয়ে ঘাড়,
 সেলাম ঠোকায় একুশ বার ॥

চলতে গিয়ে কেউ যদি চায়,
 এদিক ওদিক ডাইনে বাঁয়,
 রাজার কাছে খবর ছোট্টে,
 পল্টনেরা লাফিয়ে ওঠে,
 দুপুর রোদে ঘামিয়ে তায়
 একুশ হাতা জল গেলায় ॥

দাঁড়ে দাঁড়ে ড্রম্ !

ছুটছে মটর ঘটর ঘটর ছুটছে গাড়ী জুড়ি,
 ছুটছে লোকে নানান্ বৌকে করছে হুড়োহুড়ি;
 ছুটছে কত ক্ষ্যাপার মতো পড়ছে কত চাপা,

তাদের ধ'রে খাঁচায় রেখে,
 কানের কাছে নানান্ সুরে,
 নামতা শোনায় একশো উড়ে,
 সামনে রেখে মুদীর খাতা
 হিসেব কষায় একুশ পাতা ॥

হঠাৎ সেথায় রাত দুপুরে,
 নাক ডাকলে ঘুমের ঘোরে,
 অমিন্ তেড়ে মাথায় ঘষে,
 গোবর গুলে বেলের কষে,
 একুশটি পাক ঘুরিয়ে তাকে
 একুশ ঘন্টা ঝুলিয়ে রাখে ॥

সাহেবমেমে খমকে খেমে বলছে 'মামা পাপা !'

আমরা তবু তবলা ঠুকে গাছি কেমন তেড়ে

"দাঁড়ে দাঁড়ে ড্রম্ ! দেড়ে দেড়ে দেড়ে !"

বর্ষাকালে বৃষ্টিবাদল রাস্তা জুড়ে কাদা,

ঠাণ্ডা রাতে সর্দিবাতে মরবি কেন দাদা ?

হোক্ না সকাল হোক্ না বিকাল

হোক্ না দুপুর বেলা,

থাক্ না তোমার আপিস যাওয়া

থাক্ না কাজের ঠেলা—

এই দেখ না চাঁদনি রাতের গান এনেছি কেড়ে,

"দাঁড়ে দাঁড়ে ড্রম্ ! দেড়ে দেড়ে দেড়ে !"

মুখু যারা হচ্ছে সারা পড়ছে ব'সে একা,

কেউবা দেখ কাঁচুর মাচুর

কেউ বা ভ্যাবাচ্যাকা ।

কেউ বা ভেবে হদ্ হল, মুখটি যেন কালি

কেউ বা ব'সে বোকার মতো মুণ্ডু নাড়ে খালি ।

তার চেয়ে ভাই, ভাবনা ভুলে গাওনা গলা ছেড়ে,

"দাঁড়ে দাঁড়ে ড্রম্ ! দেড়ে দেড়ে দেড়ে !"

বেজার হয়ে যে যার মতো করছ সময় নষ্ট,

হাঁটছ কত খাটছ কত পাছ কত কষ্ট !

আসল কথা বুঝছ না যে, করছ না যে চিন্তা,

শুনছ না যে গানের মাঝে তবলা বাজে ধিন্তা ?

পাল্লা ধরে গায়ের জোরে গিটকিরি দাও ঝেড়ে,

"দাঁড়ে দাঁড়ে ড্রম্ ! দেড়ে দেড়ে দেড়ে !"

গল্প বলা

"এক যে রাজা"—"খাম্ না দাদা,

রাজা নয় সে, রাজ পেয়াদা ।"

"তার যে মাতুল"—"মাতুল কি সে ?—

সবাই জানে সে তার পিশে ।"

"তার ছিল এক ছাগল ছানা"—

"খও না বাপু য্যাঁচা য়েঁচি"—

"আচ্ছা বল, চুপ করেছি ।"

"এমন সময় বিছনা ছেড়ে,

হঠাৎ মামা আসল তেড়ে,

ধরল সে তার ঝুঁটির গোড়া"—

"ছাগলের কি গজায় ডানা ?"

"একদিন তার ছাতের 'পরে"—

"ছাত কোথা হে টিনের ঘরে ?"

"বাগানের এক উড়ে মালী"—

"মালী নয়তো ! মেহের আলী !"

"মনের সাথে গাইছে বেহাগ"—

"বেহাগ তো নয় ! বসন্ত রাগ !"

"কোথায় ঝুঁটি ? ঢাক যে ভরা !"

"হোক না টেকো তোর তাতে কি ?

লক্ষীছাড়া মুখু টেকি !

ধরব ঠেসে টুটির 'পরে,

পিটব তোমার মুণ্ড ধ'রে—

কথার উপর কেবল কথা,

এখন বাপু পালাও কোথা ?"

নারদ ! নারদ !

"হাঁরে হাঁরে তুই নাকি কাল শাদাকে

বলিছলি লাল ?

(আর) সেদিন নাকি রাত্রি জুড়ে নাক

ডেকেছিস বিদ্রী সুরে ?

(আর) তোদের পোষা বেড়ালগুলো শুনছি

নাকি বেজায় হলো ?

(আর) এই যে শনি তোদের বাড়ি কেউ

নাকি রাখে না দড়ি ?

ক্যানের ব্যাটা ইস্টুপিড ? ঠেঙিয়ে তোরে

করব টিট্ !"

"চোপরাও তুম্ স্পিকটি নট্, মারব রেগে

পটাপট্—"

"ফের যদি টেরাবি চোখ কিম্বা আবার

করিব্ রোখ,

কিম্বা যদি অমিন্ করে মিথ্যেমিথ্যে

চ্যাচাস জোরে—"

"আই ডোন্ট কেয়ার্ কানাকড়ি—জানিস্

আমি স্যাগো করি?"

"ফের লাফাচ্ছিস্ অলরাইট কামেন্

ফাইট্ ! কামেন্ ফাইট্ !"

"ঘুঘু দেখেছ, ফাঁদ দেখনি, টেরটা পাবে

আজ এখনি !

আজকে যদি থাকতো মামা পিটিয়ে
 তোমায় কর্ত বামা ।"—
 "আরে আরে ! মারিব নাকি ? দাঁড়া
 একটা পুলিশ ডাকি !"
 "হাঁহাঁহাঁ ! রাগ কোর না, কর্তে চাও
 কি তাই বল না !"
 "হাঁ হাঁ তাতো সত্যি বটেই আমি তো
 চটিনি মোটেই !
 মিথ্যে কেন লড়তে যাবি ? ভেরি—ভেরি
 সরি, মশলা খাবি ?"
 "'শেক্‌হ্যাণ্ড' আর 'দাদা' বল সব
 শোধ—বোধ ঘরে চল ।"
 "ডোন্ট পরোয়া অল্‌ রাইট্‌ হাউ ডু য়ু ডু
 গুড্‌ নাইট্‌ ।"

কি মুঞ্চিল !

সব লিখেছে এই কেতাবে দুনিয়ার সব
 খবর যত,
 সরকারী সব অফিসখানার কোন্‌ সাহেবের
 কদর কত ।
 কেমন ক'রে চাট্‌ বানায়, কেমন ক'রে
 পোলাও করে,
 হরেক্‌ রকম মুষ্টিযোগের বিধান লিখেছে
 ফলাও ক'রে ।
 সাবান কালি দাঁতের মাজন বানাবার সব
 কায়দা কেতা,
 পূজা পার্বণ তিথির হিসাব শ্রাদ্ধবিধি
 লিখেছে হেথা ।
 সব লিখেছে, কেবল দেখ পাচ্ছিনেকো
 লেখা কোথায়—
 পাগলা ষাঁড়ে করলে তাড়া কেমন ক'রে
 ঠেকাব তায় !

ডানপিটে

বাপের কি ডানপিটে ছেলে !
 কোন দিন ফাঁসি যাবে নয় যাবে জেলে ।
 একটা সে ভূত সেজে আটা মেখে মুখে,
 ঠাই ঠাই শিশি ভাঙে শ্লেট দিয়ে ঠুকে !
 অন্যটা হামা দিয়ে আলমারি চড়ে,
 খাট থেকে রাগ করে ছন্দান্ পড়ে !
 বাপের কি ডানপিটে ছেলে !
 শিলনোড়া খেতে চায় দুধ ভাত ফেলে !
 একটার দাঁত নেই, জিভ দিয়ে ঘ'ষে,
 এক মনে মোমবাতি দেশলাই চোষে !
 আরজন ঘরময় নীল কালি গুলে,
 কপ্ কপ্ মাছি ধ'রে মুখে দেয় তুলে !
 বাপের কি ডানপিটে ছেলে !
 খুন হ'ত টম্ চাচা ওই রুটি খেলে !
 সন্দেহে গুঁকে বুড়ো মুখে নাহি তোলে,
 রেগে তাই দুই ভাই ফোঁস ফোঁস ফোলে
 নেড়াচুল খাড়া হয়ে রাঙা হয় রাগে,
 বাপ বাপ ব'লে চাচা লাফ দিয়ে ভাগে ।

আহ্লাদী

হাসছি মোরা হাসছি দেখ, হাসছি মোরা আহ্লাদী,
 তিনজনেতে জটলা করে ফোকলা হাসির পাল্লা দি
 ।
 হাসতে হাসতে আসছে দাদা আসছি আমি আসছে ভাই,
 হাসছি কেন কেউ জানে না, পাচ্ছে হাসি হাসছি তাই ।
 ভাবছি মনে, হাসছি কেন ? থাকব হাসি ত্যাগ ক'রে,
 ভাবতে গিয়ে ফিকফিকিয়ে ফেলছি হেসে ফ্যাক ক'রে ।
 পাচ্ছে হাসি চাইতে গিয়ে, পাচ্ছে হাসি চোখ বুজে,

পাছে হাসি চিম্টি কেটে নাকের ভিতর নোখ গুঁজে

।

হাসছি দেখে চাঁদের কলা জোয়ার মাকু জেলের দাঁড়,
নৌকা ফানুস পিঁপড়ে মানুষ রেলের গাড়ী তেলের ভাঁড় ।
পড়তে গিয়ে ফেলছি হেসে 'ক খ গ' আর শ্লেট দেখে—
উঠছে হাসি ভসভসিয়ে সোডার মতন পেট থেকে ।

রাম গরুড়ের ছানা

রামগরুড়ের ছানা হাসতে তাদের মানা,
হাসির কথা শুনলে বলে,
"হাসব না—না, না—না !"
সদাই মরে ভ্রাসে— ঐ বুঝি কেউ হাসে !
এক চোখে তাই মিটমিটিয়ে
তাকায় আশেপাশে ।
ঘুম নেই তার চোখে আপনি ব'কে ব'কে
আপনারে কয়, "হাসিস যদি
মারব কিন্তু তোকে!"
যায় না বনের কাছে, কিম্বা গাছে গাছে,
দখিন হাওয়ার সুড়সুড়িতে
হাসিয়ে ফেলে পাছে !
সোয়াস্তি নেই মনে— মেঘের কোণে কোণে
হাসির বাষ্প উঠছে ফেঁপে
কান পেতে তাই শোনে ।
ঝোপের ধারে ধারে রাতের অন্ধকারে
জোনাক জ্বলে আলোর তালে
হাসির ঠারে ঠারে ।
হাসতে হাসতে যারা হচ্ছে কেবল সারা,
রামগরুড়ের লাগছে ব্যাখা

বুঝছে না কি তারা ?

রামগরুড়ের বাসা ধমক দিয়ে ঠাসা,

হাসির হাওয়া বন্ধ সেথায়,

নিষেধ সেথায় হাসা ।

ভূতুড়ে খেলা

পরশ রাতে পষ্ট চোখে দেখনু বিনা চশমাতে,
 পান্তভূতের জ্যান্ত ছানা করছে খেলা জোছনাতে ।
 কছে খেলা মায়ের কোলে হাত পা নেড়ে উল্লাসে,
 আহলাদেতে ধুপধুপিয়ে কছে কেমন হল্লা সে ।
 শনতে পেলাম ভূতের মায়ের মুচকি হাসি কটকটে—
 দেখছে নেড়ে ঝুনিট ধ'রে বাচ্চা কেমন চটপটে ।
 উঠছে তাদের হাসির হানা কাঠ সুরে ডাক ছেড়ে,
 খঁগাশ্ খঁগাশানি শব্দে যেন করাত দিয়ে কাঠ চেরে !
 যেমন খুশি মারছে ঘুঁষি, দিচ্ছে কষে কানমলা,
 আদর করে আছাড় মেরে শূন্যে ঝোলে চ্যাং দোলা ।
 বলছে আবার, "আয়রে আমার নোংরামুখো স্টুকো রে,
 দেখনা ফিরে প্যাখনা ধরে হতোম—হাসি মুখ করে!
 ওরে আমার বাঁদর—নাচন আদর—গেলা কোঁতকা রে!
 অন্ধবনের গন্ধ—গোকুল, ওরে আমার হোঁতকা রে!
 ওরে আমার বাদলা রোদে জষ্টি মাসের বিষ্টি রে,
 ওরে আমার হামান—ছেঁচা যষ্টিমধুর মিষ্টি রে ।
 ওরে আমার রান্না হাঁড়ির কান্না হাসির ফোড়নদার,
 ওরে আমার জোছনা হাওয়ার স্বপ্নঘোড়ার চড়নদার ।
 ওরে আমার গোবরা গণেশ ময়দাঠাসা নাদুস্ রে,
 ছিঁচকাঁদুনে ফোকলা মানিক, ফের যদি তুই কাঁদিস রে—"
 এই না ব'লে যেই মেরেছে কাদার চাপটি ফট্ ক'রে,
 কোথায় বা কি, ভূতের ফাঁকি মিলিয়ে গেল চট্ ক'রে !

হাত গণনা

ও পাড়ার নন্দগৌসাই, আমাদের নন্দ খুড়ো,
 স্বভাবেতে সরল সোজা অমায়িক শান্ত বুড়ো।
 ছিল না তাঁর অসুখবিসুখ, ছিল সে যে মনের সুখে,
 দেখা যেত সদাই তারে হাঁকো হাতে হাস্যমুখে ।
 হঠাৎ কি তার খেয়াল হল, চল্ল সে তার হাত দেখাতে
 ফিরে এল শুকনো সরু, ঠকাঠক্ কাঁপছে দাঁতে !
 শুধালে সে কয় না কথা, আকাশেতে রয় সে চেয়ে,
 মাঝে মাঝে শিউরে ওঠে, পড়ে জল চক্ষু বেয়ে ।
 শুনে লোকে দৌড়ে এল, ছুটে এলেন বদ্যিমশাই,
 সবাই বলে, 'কাঁদছ কেন ? কি হয়েছে নন্দগৌসাই?'

খুড়ো বলে, 'বলব কি আর, হাতে আমার পষ্ট লেখা
 আমার ঘাড়ে আছেন শনি, ফাঁড়ায় ভরা আয়ুর রেখা ।
 এতদিন যায়নি জানা ফিরছি কত গ্রহের ফেরে—
 হঠাৎ আমার প্রাণটা গেলে তখন আমায় রাখবে কে রে ?
 ষাটটা বছর পার হয়েছি বাপদাদাদের পুণ্যফলে—
 ওরা তোদের নন্দ খুড়ো এবার বুঝি পটোল তোলে ।
 কবে যে কি ঘটবে বিপদ কিছু হয় যায় না বলা—'
 এই ব'লে সে উঠল কেঁদে ছেড়ে ভীষণ উচ্চ গলা ।
 দেখে এলাম আজ সকালে গিয়ে ওদের পাড়ার মুখো,
 বুড়ো আছে নেই কো হাসি, হাতে তার নেই কো হাঁকো ।

গন্ধ বিচার

সিংহাসনে বসল রাজা বাজল কাঁসর ঘন্টা,
 ছট্ফটিয়ে উঠল কেঁপে মন্ত্রীবুড়োর মনটা

।

রাজার শালা চন্দ্রকেতু তারেই ধ'রে শেষটা,
 বল্ল রাজা, তুমিই না হয় কর না ভাই চেষ্টা ।

বলে রাজা, মন্ত্রী তোমার জামায় কেন গন্ধ?
 মন্ত্রী বলে, এসেঙ্গ দিছি—গন্ধ তো নয় মন্দ!
 রাজা বলেন, মন্দ ভালো দেখুক শঁকে বদ্যি,
 বদ্যি বলে, আমার নাকে বেজায় হল সর্দি।
 রাজা হাঁকেন, বোলাও তবে রাম নারায়ণ পাত্র,
 পাত্র বলে, নস্যি নিলাম এক্ষুনি এইমাত্র।
 নস্যি দিয়ে বন্ধ যে নাক গন্ধ কোথায় ঢুকবে?
 রাজা বলেন, কোটাল তবে এগিয়ে এস, শঁকবে।
 কোটাল বলে, পান খেয়েছি মশলা তাতে কর্পূর,
 গন্ধে তারি মুণ্ড আমার এক্কেবারে ভরপুর।
 রাজা বলেন, আসুক তবে শের পালোয়ান ভীমসিং,
 ভীম বলে, আজ কচ্ছে আমার সমস্ত গা ঝিন্ ঝিন্।
 রাত্রে আমার বোখার হল বলছি হুজুর ঠিক বাৎ,
 ব'লেই শুল রাজসভাতে চক্ষু বুজে চিৎপাত।

চন্দ্র বলেন, মারতে চাও তো ডাকাও নাকো জন্মাদ,
 গন্ধ শঁকে মরতে হবে এ আবার কি আহলাদ?
 ছিল হাজির বৃদ্ধ নাজির বয়সটি তার নব্বই,
 ভাবল মনে, ভয় কেন আর একদিন তো মরবই।
 সাহস ক'রে বলেল বুড়ো, মিথ্যে সবাই বকিছস,
 শঁকতে পারি হুকুম পেলে এবং পেলে বকিছস।
 রাজা বলেন, হাজার টাকা ইনাম পাবে সদ্য,
 তাই না শুনে উৎসাহেতে উঠল বুড়ো মন্দ।
 জামার পরে নাক ঠেকিয়ে—শঁকল কত গন্ধ,
 রইল অটল দেখল লোকে বিস্ময়ে বাক্ বন্ধ।
 রাজ্যে হল জয়—জয়কার বাজল কাঁসর ঢকা,
 বাপরে কি তেজ বুড়োর হাড়ে পায় না সে যে অন্ধা?

হলোর গান

বিদ্যুটে রাত্তিরে ঘুটঘুটে ফাঁকা,

!

জট্বাঁধা ঝুল কালো বটগাছতলে,

ধক্ধক্ জোনাকির চক্চকি জ্বলে।

চুপচাপ চারিদিকে ঝোপ ঝাড়গুলো,

আয় ভাই গান গাই আয় ভাই হলো।

গীত গাই কানে কানে চীৎকার ক'রে,

কোন্ গানে মন ভেজে শোন্ বলি তোরে।

পূবদিকে মাঝরাতে ছোপ্ দিয়ে রাঙা

রাতকানা চাঁদ ওঠে আধখানা ভাঙা।

চট্ ক'রে মনে পড়ে মট্কার কাছে

মালপোয়া আধখানা কাল থেকে আছে।

দুড়ু দুড়ু ছুটে যাই, দূর থেকে দেখি

প্রাণপণে ঠোঁট চাটে কানকাটা নেকী!

গালফোলা মুখে তার মালপোয়া ঠাসা,

ধুক ক'রে নিভে গেল বুকভরা আশা ।
 মন বলে আর কেন সংসারে থাকি,
 বিল্কুল্ সব দেখি ভেলিকর ফাঁকি ।
 সব যেন বিচ্ছিরি সব যেন খালি,
 গিনীর মুখ যেন চিমিনর কালি ।
 মন—ভাঙা দুখ্ মোর কঠেতে পুরে
 গান গাই আয় ভাই প্রাণফাটা সুরে ।

কাঁদুনে

ছিচ্কাঁদুনে মিচকে যারা সস্তা কেঁদে নাম কেনে,
 ঘ্যাঙায় শুধু ঘ্যানর ঘ্যানর ঘ্যানঘ্যানে আর প্যানপ্যানে—
 কুঁকিয়ে কাঁদে খিদের সময়, ফুঁপিয়ে কাঁদে ধম্‌কালে,
 কিস্বা হঠাৎ লাগলে ব্যাথা, কিস্বা ভয়ে চম্‌কালে ;
 অল্লে হাসে অল্লে কাঁদে, কান্না থামায় অল্লেতেই ;
 মায়ের আদর দুধের বোতল কিস্বা দিদির গল্লেতেই—
 তারেই বলি মিথ্যে কাঁদন, আসল কান্না শনবে কে ?
 অবাক্ হবে থমেক্ রবে সেই কাঁদনের গুণ দেখে !
 নন্দঘোষের পাশের বাড়ী বুথ্ সাহেবের বাচ্চাটার
 কান্নাখানা শনলে বলি কান্না বটে সাচ্চা তার ।
 কাঁদবে না সে যখন তখন, রাখবে কেবল রাগ পুষে,
 কাঁদবে যখন খেয়াল হবে খুন—কাঁদুনে রাস্কুসে !
 নাইকো কারণ নাইকো বিচার মাঝরাতে কি ভোরবেলা,
 হঠাৎ শনি অর্থবিহীন আকাশ—ফাটান জোর গলা।
 হাঁকড়ে ছোট্টে কান্না যেমন জোয়ার বেগে নদীর বান,
 বাপ মা বসেন হতাশ হয়ে শব্দ শুনে বধির কান ।
 বাসরে সে কি লোহার গলা ? এক মিনিটও শান্তি নেই ?
 কাঁদন ঝরে শ্রাবণ ধারে, স্কান্ত দেবার নামটি নেই !
 ঝুমঝুমি দাও পুতুল নাচাও, মিষ্টি খাওয়াও একশোবার,
 বাতাস কর, চাপড়ে ধর, ফুটবে নাকো হাস্য তার।
 কান্নাভরে উল্লেট পড়ে কান্না ঝরে নাক দিয়ে,
 গিলতে চাহে দালানবাড়ী হাঁ'খানি তার হাঁক্ দিয়ে,
 ভূত—ভাগানো শব্দে লোকেত্রাহিত্রাহি ডাক ছাড়ে—

কান্না শুনে ধন্য বলি বুথ্ সাহেবের বাচ্চারে ।

ভয় পেয়োনা

ভয় পেয়ো না, ভয় পেয়ো না, তোমায় আমি মারব না—
 সত্যি বলছি কুস্তি ক'রে তোমার সঙ্গে পারব না।
 মনটা আমার বড্ড নরম, হাড়ে আমার রাগটি নেই,
 তোমায় আমি চিবিয়ে খাব এমন আমার সাধি নেই!
 মাথায় আমার শিং দেখে ভাই ভয় পেয়েছ কতই না—
 জানো না মোর মাথারব্যারাম, কাউকে আমি গুঁতোই না ?
 এস এস গর্তে এস, বাস ক'রে যাও চারটি দিন,
 আদর ক'রে শিকিয়ে তুলে রাখব তোমায় রাত্রিদিন।
 হাতে আমার মুগুর আছে তাই কি হেথায় থাকবে না ?
 মুগুর আমার হাল্কা এমন মারলে তোমায় লাগবে না।
 অভয় দিচ্ছি, শুনছ না যে ? ধরব নাকি ঠ্যাং দুটা ?
 বসলে তোমার মুণ্ডু চেপে বুঝবে তখন কাণ্ডটা!
 আমি আছি, গিন্নী আছেন, আছেন আমার নয় ছেলে—
 সবাই মিলে কামড়ে দেব মিথ্যে অমন ভয় পেলে ।

ট্যাশ গরু

ট্যাশ গরু গরু নয়, আসলেতে পাখি সে ;
 যার খুশি দেখে এস হারুদের আফিসে ।
 চোখ দুটি তুলু তুলু, মুখখানা মস্ত,
 ফিট্ফাট্ কালোচুলে টেরিকাটা চোস্ত।
 তিন—বাঁকা শিং তার, ল্যাজখানি প্যাঁচান—
 একটুকু ছোঁও যদি, বাপের কি চ্যাঁচান !
 লট্খটে হাড়গোড় খট্খট্ ন'ড়ে যায়,
 ধমকালে ল্যাগ্‌ব্যাগ্‌ চমকিয়ে প'ড়ে যায় ।
 বর্ণিতে রূপ গুন সাধ্য কি কবিতার,
 চেহারার কি বাহার—ঐ দেখ ছবি তার ।
 ট্যাশ গরু খাবি খায় ঠ্যাস দিয়ে দেয়ালে,

মাঝে মাঝে কেঁদে ফেলে না জানি কি খেয়ালে ;
 মাঝে মাঝে তেড়ে ওঠে, মাঝে মাঝে রেগে যায়,
 মাঝে মাঝে কুপোকাং দাঁতে দাঁত লেগে যায় ।
 খায় না সে দানাপানি—ঘাস পাতা বিচালি,
 খায় না সে ছোলা ছাতু ময়দা কি পিঠালি ;
 রুচি নাই আমিষেতে, রুচি নাই পায়সে,
 সাবানের সূপ আর মোমবাতি খায় সে ।
 আর কিছু খেলে তার কাশি ওঠে খক্ খক্
 সারা গায়ে ঘিনিঘন্ ঠ্যাং কাঁপে ঠক্ ঠক্ ।
 একদিন খেয়ে ছিল ন্যাকড়ার ফালি সে—
 তিন মাস আধমরা শুয়েছিল বালিশে ।
 কারো যদি শখ্ থাকে ট্যাশ গরু কিনেত,
 সম্ভায় দিতে পারি, দেখ ভেবে চিন্তে ।

নোটবই

এই দেখ পেনসিল, নোটবুক এ—হাতে,
 এই দেখ ভরা সব কিলিবল্ লেখাতে ।
 ভালো কথা শুনি যেই চটপট্ লিখি তায়—
 ফড়িঙের ক'টা ঠ্যাং, আরশুলা কি কি খায় ;
 আঙুলেতে আটা দিলে কেন লাগে চট্চট্,
 কাতুকুতু দিলে গরু কেন করে ছট্ফট্ ।
 দেখে শিখে প'ড়ে শুনে ব'সে মাথা ঘামিয়ে
 নিজে নিজে আগাগোড়া লিখে গেছি আমি এ ।
 কান করে কট্ কট্ ফোড়া করে টন্টন্—
 ওরে রামা ছুটে আয়, নিয়ে আয় লঠন ।
 কাল থেকে মনে মোর লেগে আছে খট্কা,
 ঝোলাগুড় কিসে দেয় ? সাবান না পট্কা ?
 এই বেলা প্রশ্নটা লিখে রাখি গুছিয়ে,
 জবাবটা জেনে নেব মেজদাকে খুঁচিয়ে ।
 পেট কেন কামড়ায় বল দেখি পার কে ?
 বল দেখি ঝাঁজ কেন জোয়ানের আরকে ?
 তেজপাতে তেজ কেন ? ঝাল কেন লঙ্কায় ?

নাক কেন ডাকে আর পিলে কেন চমকায় ?

কার নাম দুন্দুভি ? কার নাম অরণি ?

বলেব কি, তোমরা তো নোটবই পড়নি ।

১

কহ ভাই কহ রে, অঁাকা চোরা শহরে,
বদিরা কেন কেউ আলুভাতে খায় না ?
লেখা আছে কাগজে আলু খেলে মগজে,
ঘিলু যায় ভেসিয়ে বুদ্ধি গজায় না !

২

শনেছ কি ব'লে গেল সীতানাথ বন্দ্যো?
আকাশের গায়ে নাকি টক্‌টক্‌ গন্ধ ?
টক্‌টক্‌ থাকে নাকো হ'লে পরে বৃষ্টি
—
তখন দেখেছি চেটে একেবারে মিষ্টি ।

৩

আকাশের গায়ে কি বা রামধনু খেলে,
দেখে চেয়ে কত লোকে সব কাজ ফেলে,
তাই দেখে খুঁতধরা বুড়ো কয় চটে,
দেখছ কি, এই রঙ পাকা নয় মোটে ॥

৪

চপ্‌ চপ্‌ ঢাক ঢোল ভপ্‌ ভপ্‌ বাঁশি,
ঝন্‌ ঝন্‌ করতাল্‌ ঠন্‌ ঠন্‌ কাঁসি ।
ধূমধাম বাপ্‌ বাপ্‌ ভয়ে ভাবা চ্যাকা,
বাবুদের ছেলেটার দাঁত গেছে দেখা ॥

৫

শোন শোন গল্প শোন, এক যে ছিল গরু,

এই আমার গল্প হল শুরু ।

যদু আর বংশীধর যমজ ভাই তারা,

এই আমার গল্প হল সারা ।

৬

মাসি গো মাসি, পাছে হাসি
 নিম পাছে তে হচ্ছে শিম্—
 হাতির মাথায় ব্যাঙের ছাতা
 কাগের বাসায় বগের ডিম ॥

৭

বল্ব কি ভাই হুগ্ল গেলুম,
 বলিছ তোমায় ছুপি—ছুপি—
 দেখতে পেলাম তিনটে ঞয়ের
 মাথায় তাদের নেইকো টুপি ॥

ঠিকানা

আরে আরে জগমোহন—এস, এস, এস—
 বলত পার কোথায় থাকে আদ্যানাথের মেশো?
 আদ্যানাথের নাম শোননি? খগেনকে তো চেনো ?
 শ্যাম বাগিচ খগেনেরই মামাশুশুর জেনো।
 শ্যামের জামাই কেষ্টমোহন, তার যে বাড়ীওলা—
 (কি যেন নাম ভুলে গেছি), তারই মামার শালা ;
 তারই পিশের খুড়তুতো ভাই আদ্যানাথের মেশো,
 লক্ষ্মী দাদা ঠিকানা তার একটু জেনে এসো।

ঠিকানা চাও ? বলিছ শোন; আমড়াতলার মোড়ে
 তিন—মুখো তিন রাস্তা গেছে, তারি একটা ধ'রে
 চল্বে সিধে নাকবরাবর, ডানদিকে চোখ রেখে,
 চলত চলত দেখবে শেষে রাস্তা গেছে বঁকে ;
 দেখবে সেথায় ডাইনে বাঁয়ে পথ গিয়েছে কত,
 তারি ভিতর ঘুরবে খানিক গোলোকধাঁধার মতো ।
 তার পরেতে হঠাৎ বঁকে ডাইনে মোচড় মেরে,
 ফিরবে আবার বাঁয়ের দিকে তিনটে গলি ছেড়ে ।
 তবেই আবার পড়বে এসে আমড়াতলার মোড়ে,
 তার পর যাও যেথায় খুশি, জ্বালিয়ো নাকো মোরে!

পালোয়ান

খেলার ছলে ষষ্ঠীচরণ হাতি লোফেন যখন তখন,
 দেহের ওজন উনিশটি মণ, শক্ত যেন লোহার গঠন।
 একদিন এক গুণ্ডা তাকে বাঁশ বাগিয়ে মার্ল বেগে—
 ভাঙল সে—বাঁশ শোলার মতো মট্ ক'রে তার কনুই লেগে।
 এই তো সেদিন রাস্তা দিয়ে চলত গিয়ে দৈব বশে,
 উপর থেকে প্রকাণ্ড ইঁট পড়ল তাহার মাথায় খ'সে।
 মুণ্ডুতে তার যেমিন ঠেকা অমিন সে ইঁট এক নিমেষে,
 গুঁড়িয়ে হ'ল ধুলোর মতো, ষষ্ঠী চলেন মুচ্ছিক হেসে।
 ষষ্ঠী যখন ধমক হাঁকে কাঁপতে থাকে দালান বাড়ী,
 ফুঁয়ের জোরে পথের মোড়ে উল্টে পড়ে গরুর গাড়ী!
 ধুম্‌সা কাঠের তজ্জা ছেঁড়ে মোচড় মেরে মুহূর্তেকে,
 একশো জালা জল ঢালে রোজমানের সময় পুকুর থেকে।

সকাল বেলার জলপানি তার তিনটি ধামা পেস্তা মেওয়া,
 সঞ্জেতে তার চৌদ্দ হাঁড়ি দৈ কি মালাই মুড়িক দেওয়া।
 দুপুর হলে খাবার আসে কাতার দিয়ে ডেক্‌চ ভ'রে,
 বরফ দেওয়া উনিশ কুঁজো সরবতে তার তৃষ্ণা হরে।
 বিকাল বেলা খায় না কিছু গুণ্ডা দশেক মণ্ডা ছাড়া,
 সন্ধ্যা হ'লে লাগায় তেড়ে দিস্তা দিস্তা লুচির তাড়া।
 রাতে সে তার হাত পা টেপায় দশটি চেলা মজুত থাকে,
 দুম্‌দুমা দুম্‌ সবাই মিলে মুণ্ডর দিয়ে পেটায় তাকে।
 বল্লে বেশি ভাববে শেষে এসব কথা ফেনিয়ে বলা—
 দেখবে যদি আপন চোখে যাওনা কেন বেনিয়াটোলা।

আয় তোর মুণ্ডটা দেখি, আয় দেখি 'ফুটোস্কোপ' দিয়ে,
 দেখি কত ভেজালের মেকি আছে তোর মগজের ঘিয়ে ।
 কোন দিকে বুদ্ধিটা খোলে, কোন দিকে থেকে যায় চাপা,
 কতখানি ভস্ ভস্ যিলু, কতখানি ঠক্ঠকে ফাঁপা ।
 মন তোর কোন দেশে থাকে, কেন তুই ভুলে যাস্ কথা—
 আয় দেখি কোন ফাঁক দিয়ে, মগজেতে ফুটো তোর কোথা ।
 টোল—খাওয়া ছাতাপড়া মাথা, ফাটা—মতো মনে হয় যেন,
 আয় দেখি বিশ্লেষ ক'রে—চোপরাও ভয় পাস্ কেন?
 কাৎ হয়ে কান ধ'রে দাঁড়া, জিভখানা উলিট্য়ে দেখা,
 ভালো ক'রে বুঝে শুনে দেখি—বিজ্ঞানে যে—রকম লেখা ।
 মুণ্ডতে 'ম্যাগনেট' ফেলে, বাঁশ দিয়ে 'রিফ্লেক্ট' ক'রে,
 ইঁট দিয়ে 'ভেলসিটি' ক'ষে দেখি মাথা ঘোরে কি না ঘোরে ।

ফস্ক গেল !

দেখ্ বাবাজি দেখিব নাকি দেখে'র খেলা দেখ্ চালাকি,
 ভোজর বাজি ভেঙ্কি ফাঁকি পড়্ পড়্ পড়িব পাখি—ধপ্!
 লাফ দি'রে তাই তালটি ঠুকে তাক ক'রে যাই তীর ধনুকে,
 ছাড়ব সঁটান উর্ধ্বমুখে হুশ্ ক'রে তোর লাগবে বুকে—খপ্!
 গুড়্ গুড়্ গুড়্ গুড়িয়ে হামা খাপ পেতেছেন গোষ্ঠ মামা,
 এগিয়ে আছেন বাগিয়ে ধামা, এইবারে বাণ চিড়িয়া নামা—চট্ !
 ঐ যা ! গেল ফস্কে যে সে—হেঁই মামা তুই স্কেপ্লি শেষে ?
 ঘ্যাচ ক'রে তোর পঁজর ঘেঁষে লাগল কি বাণ ছটেক এসে—ফট্?

আবোল তাবোল

মেঘ মলুকে ঝাপসা রাতে,
 রামধনুকের আবছায়াতে,
 তাল বেতালে খেয়াল সুরে,
 তান ধরেছি কণ্ঠ পুরে ।
 হেথায় নিষেধ নাইরে দাদা,
 নাইরে বাঁধন নাইরে বাধা ।
 হেথায় রঙিন আকাশতলে
 স্বপ্ন দোলা হাওয়ায় দোলে
 সুরের নেশার ঝরনা ছোটে,
 আকাশ কুসুম আপনি ফোটে
 রঙিয়ে আকাশ, রঙিয়ে মন
 চমক জাগে ক্ষণে ক্ষণে ।
 আজকে দাদা যাবার আগে
 বলব্ যা মোর চিন্তে লাগে
 নাই বা তাহার অর্থ হোক্
 নাই বা বুঝুক বেবাক্ লোক
 আপনাকে আজ আপন হাতে
 ভাসিয়ে দিলাম খেয়াল স্রোতে।



ছুটেল কথা থামায় কে ?
 আজকে ঠেকায় আমায় কে ?
 আজকে আমার মনের মাঝে
 ধাঁই ধপাধপ্ তবলা বাজে—
 রাম—খটাখট্ ঘ্যাচাং ঘ্যাচ্
 কথায় কাটে কথার প্যাচ্ ।
 আলোয় কাটে অন্ধকার,
 ঘন্টা বাজে গন্ধে তার ।
 গোপন প্রাণে স্বপন দূত,
 মঞ্চে নাচেন পঞ্চ ভূত !
 হ্যাংলা হাতী চ্যাং—দোলা,
 শূন্যে তাদের ঠ্যাং তোলা।
 মক্ষিরানী পক্ষিরাজ—
 দস্যি ছেলে লক্ষ্মী আজ ।
 আদিম কালের চাঁদিম হিম,
 তোড়ায় বাঁধা ঘোড়ার ডিম ।
 ঘনিয়ে এল ঘুমের ঘোর,
 গানের পালা সাঙ্গ মোর।